

(Službeni glasnik BiH br. 20/04)

Koristeći se ovlaštenjima koja su Visokom predstavniku data u članu V Aneksa 10. (Sporazum o implementaciji civilnog dijela mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada to ocijeni neophodnim, u rješavanju svih problema koji se pojave u vezi sa implementacijom civilnog dijela mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada to ocijeni neophodnim", o određenim pitanjima, uključujući i (prema tački (c) stava XI.2) "mjere kojima se obezbjeđuje implementacija mirovnog sporazuma na cijelom području Bosne i Hercegovine i njenih entiteta";

Prisjećajući se člana III.5 (a) Ustava Bosne i Hercegovine kojim se utvrđuje da će "Bosna i Hercegovina preuzeti nadležnost u", između ostalog, stvarima "koje su potrebne za očuvanje suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine";

Prisjećajući se dalje stava 10. kominikea Upravnog odbora Vijeća za implementaciju mira sa Konferencije održane u Sarajevu u periodu od 31. marta do 1. aprila 2004. godine u kojem su politički direktori "izrazili svoju nadu da će novo rukovodstvo Agencije biti što prije imenovano";

Imajući u vidu Zakon o Obavještajno-sigurnosnoj agenciji Bosne i Hercegovine ("Službeni glasnik BiH", broj 12/04) kojim se zahtijeva da Obavještajno-sigurnosna agencija Bosne i Hercegovine "počne sa radom 1. maja 2004. godine";

Konstatujući naročito da je za rad Agencije potreban generalni direktor, zamjenik generalnog direktora i glavni inspektor kako bi se osiguralo unutrašnje rukovođenje i kontrola;

Konstatujući dalje da proces imenovanja gore pomenutih zvaničnika neće biti završen do 1. maja 2004. godine;

Vodeći računa o tome da osiguravanje poštivanja međunarodno priznatih ljudskih prava u Bosni i Hercegovini u radu Agencije uključujući prava iz Evropske konvencije za zaštitu ljudskih prava i temeljnih sloboda i njenih protokola zahtijeva pravilno unutrašnje rukovođenje i kontrolu.

Uzimajući u obzir i imajući na umu sve gore navedeno, Visoki predstavnik donosi slijedeću

ODLUKU

KOJOM SE DONOSI ZAKON O IZMJENAMA I DOPUNAMA ZAKONA O OBAVJEŠTAJNO-SIGURNOSNOJ AGENCIJI BOSNE I HERCEGOVINE

Član 1.

U članu 94, 96, 98, 99, 102. i 104, riječi "1. maja 2004. godine" se zamjenjuju riječima "1. juna 2004. godine".

Član 2.

Ova Odluka stupa na snagu odmah i odmah se objavljuje u "Službenom glasniku BiH".

Broj 209/04
1. maja 2004. godine
Sarajevo

Visoki predstavnik
Paddy Ashdown, s. r.